

北平導游概況
袁良題

北平導游概況目錄

緒言

(一) 城垣

1 內城

2 外城

(二) 故宮

1 禁城

2 宮殿

3 景山

(三) 壇廟

1 天壇

2 先農壇

3 孔廟

4 清太廟

5 大高元殿

6 堂子

7 雍和宮

8 黃寺

(四) 公園

1 中山公園

2 中南海公園

3 北海公園

4 頤和園

(五) 城郊名蹟

3 北海公園

4 頤和園

(五) 城郊名蹟

1 國子監

2 觀象臺

3 鐘鼓樓

4 十利海

5 積水潭

6 崇效寺

7 東嶽廟

8 白雲觀

9 利瑪竇墳

10 慈壽寺塔

11 天寧寺

12 農事試驗場

13 五塔寺

14 大鐘寺

15 玉泉山

16 香山

17 臥佛寺

18 碧雲寺

19 實勝寺演武廳

20 八大處

(一) 長安寺
(五) 龍泉寺

(二) 靈光寺
(六) 三山菴

(三) 香山寺
(七) 寶珠洞

(四) 大悲寺
(八) 秘魔崖

21 黑龍潭

22 溫泉

23 大覺寺

21 黑龍潭

22 溫泉

23 大覺寺

(六) 湯山

1 行宮浴池

2 後湖

(七) 十三陵

1 長陵

2 其他諸陵

(八) 長城

1 居庸關

2 青龍橋

附錄 市府文物整理計畫

(甲) 修繕工程

(乙) 道路工程

北平導游概況

緒言

北平形勢左海右山北枕天壽居庸前帶九河誠神州之奧區游觀之勝地又以鐵路開通輪軌四達國有各大幹路若北寧平浦平漢平綏俱以此爲集中點故雖國都南遷仍能保其重要地位至其文物之殷繁規模之偉大實具有千餘年之歷史（唐築幽州城至今千二百餘年遼開泰元年即西歷一〇一二年始定都燕京至今亦九百餘年）以歷代帝王之權威竭府庫之財力萃藝人之技巧以至遠人梯航萬邦輻輳各出其能以相競乃克臻於莊嚴瓌爛之域其成就固非一手一足之烈積之厚者流之光理則然也

自來歐美人士來遊中華者莫不首至北平以飽覽東方美術文化之優異比歲以來局勢漸就安定北平市政當局復銳意建設整理城郊道路修葺古蹟名勝不久之將來更擬設立導引游客之機關招商開辦旅館劇院務使旅居

舒適增游人之興趣惟是北平景物在在足以開拓心胸供人游賞而導游之書前無作者茲特撮要敘述北平景物分爲一城垣二故宮三壇廟四公園五城郊名蹟六湯山七十三陵八長城名曰北平導游概況俾遠方來游者得知梗概云

一城垣 北平城垣唐以前無考唐初爲幽州（西歷六二〇至六三〇年）五代石晉割入於遼開泰元年（西歷一〇二〇年）稱燕京宋宣和四年（西歷一一二三年）地入於金五年歸宋改燕山府七年復入於金仍名燕京貞元元年（西歷一一五三年）改燕京爲聖都尋改中都築內外城內城周二十七里外城包之週七十五里元改大都於北改建新城明初改北平府永樂定都改稱北京清因之設順天府民國成立置京兆尹國都南遷設北平特別市政府大抵唐宋遼金元五代城垣位置與現在迥然不同唐幽州城及宋燕山府遼金故都均在今外城西南部不過唐宋遼城垣均

北平府永樂定都改稱北京清因之設順天府民國成立置京兆尹國都南遷設北平特別市政府大抵唐宋遼金元五代城垣位置與現在迥然不同唐幽州城及宋燕山府遼金故都均在今外城西南部不過唐宋遼城垣均

狹小金中都則擴大西近蘆溝南達豐台東抵今宣武門內外大街北抵阜城門關大街及八里莊黃村等地元大都則向北改建南面當今東西長安街北包今黃寺一帶若德勝門外土城關等即其遺址凡此歷朝變革均散見羣書不難考見茲編敘述城垣祇以現時城垣爲主斷自明始

¹ 內城 今之內城剏於明洪武元年（西歷一三六八年）改大都爲北平府縮其城之北五里廢東西之北二門（光熙）（肅清）另造新城外砌磚石四週挖壕深至一丈闊有至十八丈者當時大將軍徐達命指揮華雲龍經理其事又令指揮張煥計度元故皇城葉國玲計度南城永樂元年（西歷一四〇三年）改稱北京改北平府爲順天府四年修建北京禁城宮殿併加修城垣十八年（西歷一四二〇年）遣工部侍郎重修益加宏壯正統四年（西歷一四三九年）命內臣阮安重修（安一名阿留交趾人）至十年（西歷一四四五年）以內面用土易頽

毀命朱勇璧之與外面等計城南一面長二千二百九十五丈九尺三寸
北面長二千二百三十二丈四尺五寸東一千七百八十六丈九尺三寸
西面長一千五百六十四丈五尺二寸基厚六丈二尺頂收五丈堞口五
尺八寸原關九門南面三門東西北各二門南三門曰麗正文明順承東
二門曰齊化東直西二門曰平則西直北二門曰安定德勝正統初更麗
正曰正陽文明曰崇文順承曰宣武齊化曰朝陽平則曰阜成清初因之
入民國後仍舊各城門上均有樓惟正陽門樓最宏偉城之四隅有角樓
亦壯麗年久稍頹敗現擬重葺城之中舊有皇城周三千六百五十六丈
五尺高一丈八尺包禁城外圍最南爲中華門（清時爲大清門）前有
棋盤街石欄環互綠陰低垂再北爲天安門前有御河有橋名金水橋有
華表二門五闕重樓九楹形扉三十六高出雲表極偉大莊嚴湖內城位
置形勢自明初迄今約六百年無改惟在清代時時加修不能悉記清末

棋盤街石欄環互綠陰低垂再北爲天安門前有御河有橋名金水橋有華表二門五闕重樓九楹形扉三十六高出雲表極偉大莊嚴溯內城位置形勢自明初迄今約六百年無改惟在清代時時加修不能悉記清末

於使館界內加闢一門俗名水關民國於正陽宣武之間闢一門曰和平以利交通餘無更改又舊皇城民國十年後陸續拆除現所存者祇天安門左右各數十丈耳

2

外城 外城雖由徐達命葉國珍設計並未修築永樂間加修內城於外城亦未遑計及至嘉靖三十二年（西歷一五四三年）始修築外城從給事中朱伯辰請也城包內城南面轉抱至東西角樓止長二十八里爲門七南曰永定左安右安東曰廣渠東便西曰廣寧西便（廣寧以避諱改廣安門）長度南一面長二千四百五十四丈四尺七寸東一千零八十五丈一尺西一千零九十三丈二尺高度各二丈堞口高四尺基厚二丈頂收一丈堞口二萬零七百七十二砲眼共一萬二千六百有二城之正北正陽門外有箭樓一座民國三年拆去甕城就正陽門外樓加以改造屹立通衢頗爲壯觀今實業部於此設國貨陳列館登樓遠望萬家烟

火歷歷在目此樓前臨正陽橋南爲五牌樓向爲雜商店堵塞現經市府撥款收用凡牌樓附近各店一律拆除五坊畢現此處爲北平市最繁盛適中之區街衢廣闊直達天橋永定門是謂正陽門大街俗稱前門大街一名五牌樓大街全係柏油路亦現市政府所改造

二故宮 故宮城闕宮殿作始於明初迄今近六百年中經明清兩朝雖迭有修葺但大體未變民國初元廢帝居乾清門以內以前三殿交還政府後設古物陳列所陳設宮中古物而將乾清門堵閉廢帝蟄居於此十餘年出入悉由神武門十三年廢帝出宮於是組委員會接收之十七年設故宮博物院派員管理至今故宮全部仍分而爲二前三殿歸古物陳列所管理乾清門內歸故宮博物院管理凡各處宮殿建築歷史及位置方向院所均有刊物叙述詳明不難按圖以索茲編所述首禁城形狀次全部宮殿而以景山殿焉

門內闕坊宮博物院管理凡各處宮殿建築歷史及位置方位院房均有手
物叙述詳明不難按圖以索茲編所述首禁城形狀次全部宮殿而以景山
殿焉

1 禁城 舊名紫禁城在皇城中南北各二百三十六丈二尺東西各三

百零二丈九尺五寸高三丈凡四門南曰午門北曰神武東曰東華西曰
西華四隅皆有角樓建造甚精巧午門在端門以北爲禁城之正門三闕
上覆重樓九間左右各一闕東向者曰左掖西向者曰右掖上覆金翅明
廊翼以兩觀傑閣四聳與中闕相輔俗稱五鳳樓北神武門門樓亦軒昂
東西華門均三闕有樓

2 宮殿 禁城宮殿如前所述分爲二部其一部以三殿爲主由午門或

東西華門入太和門門有銅獅二環以金水河跨石梁即內金水橋北爲
太和殿殿前有廣場名丹墀舊時爲文武百官行禮處範銅爲山鑄正一
品至從九品東西各二行行十八列俗名品級石前列鼎十八銅龜銅鶴
各二日圭嘉量各一殿極宏壯基二丈殿高十一丈廣十有一間縱五間
上爲重檐脊四垂左右禮仁弘義二閣後爲中和殿較小方檐圓頂建造

殊異後爲保和殿橫九間寬廣大略與太和等以上爲三殿殿後十餘丈即爲乾清門（東爲景運門西爲隆宗門）由此直入乾清宮今堵塞矣又太和殿之左爲文華殿旁有傳心殿右爲武英殿旁有浴德堂中有土耳其式浴室相傳清高宗爲香妃（回部人）所築有斷虹橋石欄杆雕刻極精一石猴尤精絕此處風物甚佳頗堪欣賞皆爲三殿附屬其北一部爲昔時帝后妃嬪燕息之所宮殿衆多分爲五路游人由神武門入至御花園有欽安殿旁有摛藻堂堆秀山西有延暉閣位育齋花園東有絳雪軒軒前有太平花爲異種植物外不多見往南則爲坤寧門至坤寧宮南爲交泰殿又南爲乾清宮交泰殿居坤寧乾清之間棟宇相連屋頂雕刻花紋極精緻坤寧有配殿乾清東爲昭仁殿（明崇禎帝手刃公主於此）西爲弘德殿乾清宮前丹陛甚高廣下有洞（名老虎洞）行人可來往又東廡有端凝殿西廡有懋勤殿又南東爲上書房西爲南書房中爲乾清

花紋極精緻坤寧有配殿乾清東爲昭仁殿（明崇禎帝手刃公主於此）西爲弘德殿乾清宮前丹陛甚高廣下有洞（名老虎洞）行人可來往又東廡有端凝殿西廡有懋勤殿又南東爲上書房西爲南書房中爲乾清

門是爲中路由擣藻堂側有門往東有鍾粹景陽承乾景仁永和等宮又東爲立穹寶殿再南爲延禧宮舊址又南爲毓慶宮清皇子讀書處又極東南爲奉先殿抵奉先門是爲內東路再東爲外東路舊統名寧壽宮清乾隆三十七年（西歷一七七二年）所建備歸政尊養之用宮垣南北一百二十七丈有奇東西三十六丈有奇所占之地約當內廷宮殿四分之一規模仿內廷各宮殿前爲皇極殿如乾清宮前爲皇極門門前有九龍壁後爲寧壽宮制如坤寧宮（宮雖統名寧壽仍特有一宮名寧壽）北爲養性殿制如養心殿又北爲樂壽堂堂後爲頤和軒景祺閣東有景福宮西有符望閣後有貞順門旁有珍妃井庚子之役光緒帝寵妃珍妃死於此井今封禁樂壽堂之東爲慶壽堂閱是樓暢音閣甚宏麗西爲萃賞亭遂初堂古華齋此外皇極門南爲戲衣庫三所更西南隅爲文淵閣極東南隅爲清史館所謂外東路盡於此內西路自月華門入爲養心殿北

爲永壽宮太極殿體元殿後爲長春宮清（廢帝淑妃居此）翊坤宮體和殿咸福宮儲秀宮（清廢帝居此）後有崇敬殿重華宮乾隆帝爲皇子時居此以上爲內西路再西入永慶門轉北爲春華門至雨華閣寶華殿後爲西花園後爲延春閣遺址左爲撫辰殿建福宮惠風亭亭內有木化銅一方爲希見之物右爲春禧殿壽安宮英華殿是爲外西路北一部南至慈祥門入北有中宮殿東宮殿西宮殿前爲大佛堂南爲慈寧宮（清末慈禧太后居此）有花園宮左有頭所二所三所右有壽康宮轉東往南爲長信門左爲造辦處冰庫等右爲慈陰樓咸若館臨溪亭轉南出南天門南爲前內務府及銀庫修書處油木作槍炮處等是爲外西路南部以上五路全部故宮殿閣具於此

3

景山 景山元代名青山明曰萬歲山（俗呼煤山）山週二里許循坡遍植松柏翠色參天層陰匝地景物極幽清時改稱景山上依地望

以上五路全部故宮殿閣具於此

3 景山 景山元代名青山明曰萬歲山（俗呼煤山）山週二里許循坡遍植松柏翠色參天層陰匝地景物極幽清時改稱景山山上依地望

高下分建亭閣樓殿爲清時帝后巡游之地茲分述之景山門與故宮神武門南北相對入門南向有綺望樓內供孔子牌位山北爲壽皇殿東西各有配殿係仿太廟制而約之今懸掛清代帝后像蓋仍其舊制也山有五峯峯各有亭最高主峯爲萬春亭登此亭遠望全城在目有銅佛一尊爲人截去左臂左二亭曰觀妙周賞右二亭曰輯芳富覽東麓道旁有古槐一株爲明崇禎帝懸縊殉國處此外有永思殿觀德殿興慶閣建置最古今已朽壞矣

三壇廟 北平爲八百年舊都壇廟之列入祀典者不一而足茲取其犖犖大者分述於後

1 天壇 天壇在正陽門外天橋南迤東明永樂十八年（西歷一四二〇年）所建初遵洪武（西歷一三六八至一三九八年）合祀天地之制稱爲天地壇內外垣俱前方後圓老槐古柏陰蔽參天建築雄偉風景幽

絕門二皆西向凡齋宮園丘壇皇穹宇祈年殿皇乾殿長廊燔柴爐祈年殿井七星石無樑殿銅人石亭神樂署犧牲所等均在內垣中內垣當南北之中南爲園丘壇北爲祈穀壇入門首爲齋宮在路南明初建清乾隆七年（西歷一七四四年）重修爲昔時皇帝祀天先一夕宿此齋戒之處宮東向宮垣二重垣外四週皆環以迴廊計一百六十三間深池環繞東西各一門各有石橋一正間與石橋各三入門爲無樑殿即齋宮之正殿五間制特異殿作甕城形不露棟樑椽角痕迹上覆綠色琉璃瓦前有銅人石亭其制創於明代（銅人高十尺五寸半執簡書今尙存庫）正殿後爲後殿亦五間東西配殿各三間由此往南爲園丘壇明嘉靖九年（西歷一五二〇年）建清代因之乾隆十四年（西歷一七四九年）重修每逢（陰歷）冬至日爲皇帝祀天之所又孟夏亦在此舉行常雩祭壇制係圓形南向共分三層上鋪艾葉青石正中心圓石一一二三層石欄

(西曆一五三〇年) 建初名秦神殿後改今名清代仍之尊藏皇
修每逢(陰歷)冬至日爲皇帝祀天之所又孟夏亦在此舉行常雩祭壇
制係圓形南向共分三層上鋪艾葉青石正中心圓石一二三層石欄

皆白石東南隅有綠琉璃燔爐瘞坎各一西南隅有望燈臺三各樹燈杆
高十丈四尺現只存其一外壇南門外路左爲設大次之所外壇東門外
爲神庫神廚祭器樂器櫪薦等庫及宰牲亭園丘之北爲皇穹宇爲明嘉
靖九年(西曆一五二〇年)建初名秦神殿後改今名清代仍之尊藏皇
天上帝及列聖配位之神版於此制係圓形南向金頂單檐內外環轉各
八柱門窗在南三面爲垣東西兩廡各五間爲分藏從祀神版之所覆瓦
均純青色再北爲祈穀壇祈年殿即明代之祀天殿明永樂十八年(西
曆一四二〇年)建清乾隆十六年(西曆一七五一年)始改題祈年殿
爲合祀天地神祇及春秋二季舉行祈穀大享兩典之所東磚門外有長
廊共七十二間爲祭時執事者進俎豆避雨雪之所又有井名甘泉爲備
太羹之用以上壇殿南嚮均作圓形圍以白石欄殿金頂檐三重內外柱
各十二龍井柱四屹立高聳製作特異又北爲皇乾殿在祈穀壇後明永

樂十八年（西歷一四二〇年）建尊藏上帝神版清代仍之乾隆十八年（西歷一七五三年）重加修葺祀前一日皇帝詣南郊齋宿先於此殿拈香行禮再詣齋宮殿制形方南向五間此外有神樂署犧牲所等計天壇週一千九百八十七丈五尺除壇殿外其餘隙地樹木衆多古柏有大至合抱者皆數百年物

2

先農壇 先農壇在正陽門外天橋迤南明永樂十八年（西歷一四二〇年）建繚以垣牆周回六里有內外二垣（外垣現已拆除）天神地祇太歲先農壇藉田等均在內壇之正門北向入門西南爲先農壇南向東南爲瘞坎壇北殿五間東神庫西神厨各五間兩旁井亭各一每歲（陰歷）仲春亥日皇帝率羣臣親詣壇致祭壇之南爲具服殿五間民國十六年（西歷一九二七年）改爲誦幽堂南向爲皇帝祭時更衣之所後陳列各壇廟所用祭器圭璋玉帛之類甚多足資觀覽東北爲神倉前

陰歷）仲春亥日皇帝率羣臣親詣壇致祭壇之南爲具服殿五間民國十六年（西歷一九二七年）改爲誦幽堂南向爲皇帝祭時更衣之所後陳列各壇廟所用祭器圭璋玉帛之類甚多足資觀覽東北爲神倉前

爲收穀亭由此殿往南爲藉田皇帝祭先農禮畢躬耕藉田四推四返始畢蓋寓敬時勸農之意藉田東南爲觀耕臺清乾隆十九年（西歷一七五五年）建皇帝耕藉田畢觀羣臣終耕於此臺上面甃金磚四圍嵌黃綠琉璃磚臺西栽果樹甚多每屆春季桃花盛開燦爛如錦先農壇之東北爲太歲殿七間祀太歲之神東西廡各十一間祀月將神前拜殿七間東南燎爐一殿爲明嘉靖八年（西歷一五二九年）建清乾隆十九年（西歷一七五四年）重修每歲（陰歷）正月初旬諏吉及十二月歲除遣官致祭歲旱祈雨亦往祀之民國後改爲忠烈祠祭革命先烈以上爲內垣建築之概畧內垣之外尙有天神地祇壇及慶成宮三處出內垣往東南行東爲天神壇制方南向北設青白石龕四祀風雲雷雨之神西爲地祇壇制方北向南設青白石龕五祀五嶽五鎮五陵及四海四瀆之祇東西從位石龕一各祀京畿及天下名山大川之祇建於明嘉靖十一年

(西歷一五三二年) 清代仍之松柏參天風景幽勝內垣東北門外爲慶成宮南向正殿五間後殿五間左右配殿各三間正殿前時辰牌石亭各一明制祭享先農前一日皇帝齋宿於此原爲齋宮清乾隆二十年(西歷一七五六年)始改名慶成宮皇帝親耕禮成在此殿受賀

3

孔廟 孔廟在安定門內成賢街之北元大德十年(西歷一三〇六年)建明宣德四年(西歷一四二九年)修大殿兩廡萬曆二十八年(西歷一六〇〇年)易琉璃瓦清乾隆二年(西歷一七二七年)殿易黃瓦光緒三十二年(西歷一九〇六年)升孔子大祀正殿改建九楹五進至民國五年(西歷一九一六年)始竣廟垣制方南向大門曰櫺星門入門東碑亭一省牲亭三間井亭一神厨五間西碑亭二致齋所三間持敬門(爲舊時通國子監之門今閉)神庫五間由櫺星門往北爲大成門五間門內左右列戟二十四石鼓十乾隆五年(西歷一七九〇年)

門入門東碑亭一省牲亭三間井亭一神厨五間西碑亭二致齋所三間持敬門（爲舊時通國子監之門今閉）神庫五間由櫺星門往北爲大成門五間門內左右列戟二十四石鼓十乾隆五年（西歷一七九〇年）

刻過大成門由甬道直上爲大成殿重檐黃瓦崇基石欄建築極盡壯麗（見圖二十六）甬道東有碑亭六西碑亭五井一在道西殿中正龕祀孔子東西龕祀四配（顏曾孔孟）東西序祀十二哲殿後崇聖祠祀孔子之五世祖殿左右爲庫房東西廡各十九間配祀歷代先儒神位內有進士題名碑明代七十座清代一百一十八座均棋置於樹下廟內松柏森森風景絕佳尤以大成殿前之元代古柏爲元宰相許衡手植歷時六百餘年鬱茂蓊葱最爲著稱

4 清太廟 清太廟在天安門左清順治元年（西歷一六四四年）建朱門黃瓦衛以崇垣周二百九十一丈六尺大門三門內東南爲宰牲亭井亭戟門五間崇基石闌門外東西井亭各一前跨石橋五下有引流橋南東爲神庫西爲神厨各五間中三門前後均三出陛前殿十有一間重檐脊四垂下沉香柱陛三成繚以石闌正南及左右凡五出陛凡歲暮大禘日

王公二人各率宗室官奉列祖及后神位合祀於此兩廡各十五間東廡配享王公西廡配享功臣燎爐各一中殿九間同堂異室內奉列聖列后神龕均南向後界朱垣中三門左右各一後殿制如中殿奉祧廟神龕均南嚮每歲孟春於正月上旬卜日孟夏與孟冬各於朔日行禮并每月薦新又每歲皇帝生辰及清明孟秋望日歲暮忌辰均於太廟致祭凡祭太廟皇帝御禮轎出太和門乘輦由闕左門入西北門至鋪設機荐處御禮轎入太廟北門由後殿東旁門至前殿東山墻東旁更衣幄次降輿時享太廟照社稷壇之例裕祭及奉先殿後殿皆同儀

5 大高元殿 大高元殿在三座門大街明嘉靖時建（西歷一五二二至一五六六年）面臨紫禁城御河環繞夏日荷芰盛開馨芬遠襲殿內松柏參天建築精巧甍瓦多爲明代舊物殿門前有亭二制極精妙中官呼爲九樑十八柱與紫禁城角樓形式彷彿正門顏曰大高元殿入門後左

柏參天建築精巧甍瓦多爲明代舊物殿門前有亭二制極精妙中官呼爲九樑十八柱與紫禁城角樓形式彷彿正門顏曰大高元殿入門後左

右各有鐘鼓樓一正中爲大高元殿七間東西配殿各五間過大高元殿爲雷壇殿五間兩旁配殿各五間過雷壇殿有殿三間制上圓下方二層懸匾二上題乾元閣下題坤貞宇明季供奉道教內官宮婢習道教者俱於其中演唱科儀清沿舊乾嘉間（西歷一七三六至一八二〇年）重加脩飾供奉玉皇爲祈雨之所

6 堂子 堂子舊在長安門左門外玉河橋東光緒二十六年（西歷一九〇〇年）後移於皇城內東南隅即古國社清制與太廟並重凡國家征討大事必親祭告謂之禱祭堂內正中殿爲祭神殿由大內恭請神位安奉於祭神殿內殿南有亭爲拜天園殿中立石座爲大內致祭立杆之用兩翼石座分設六行行各六重爲皇子親郡王等致祭立杆之用

7 雍和宮 雍和宮爲北平名寺之一在北新橋路東係清康熙朝（西歷一六六二年至一七二二年）之雍王府世宗（雍正）未登極時之府第

即位後乃賜於章嘉呼圖克圖爲喇嘛修淨之靈場正門曰雍和門門外有精製銅獅二東西有碑亭東面之碑係乾隆御筆曰雍和宮碑碑東有賣票處遊者購券入覽茲分述如次

- 第一處 天王殿
- 第二處 溫度孫殿
- 第三處 雍和宮
- 第四處 額木齋殿
- 第五處 永佑殿
- 第六處 東配殿
- 第七處 法輪殿
- 第八處 照佛樓
- 第九處 萬福閣

第八處 照佛樓
第九處 萬福閣

第十處 綏成殿

第十一處 雅木得克殿

第十二處 武聖殿

第十三處 菩薩殿

第十四處 西配殿

第十五處 札寧阿殿

第十六處 參呢特殿

右凡十六處均供有佛像佛像之最著稱者東配殿之五體歡喜佛爲第一名物萬福閣之大佛（乾隆朝用西藏貢大旃檀木作成）高約六丈莊嚴偉大世所罕觀西配殿之九體立佛雕刻精巧爲諸佛之冠武聖殿之關帝神武威嚴凜然如生不僅具有宗教意義且爲藝術上品至若雍和宮五尊佛前之極樂世界模型爲佛教之（烏托邦）尤具價值廟中

住有喇嘛三百餘人規模闊建築瑰偉遊者按上述次序可以遍覽

8 黃寺 黃寺在安定門外西北四里東西二區同垣異構土人稱爲雙黃寺（一）東黃寺正殿七間額爲大乘寶殿爲喇嘛駐錫之所寺址舊爲普靜禪林清順治初年（西歷一六四四年）達賴喇嘛導諸藩歸命遂俾以普靜禪林爲駐錫之所殿前碑亭二東碑爲順治八年大學士寧完我撰西碑爲康熙御製重修記文碑陰係乾隆御製普靜禪林瞻禮詩（二）西黃寺在東黃寺西順治九年（西歷一九八二年）以達賴喇嘛綜理黃教肇建茲寺廟門南向進門殿三間左右塑四大天王神像東西有鐘鼓樓二間再進爲正殿五間殿前東有碑亭二正殿後正中矗立白石高塔一座雍正元年（西歷一七二三年）建衛以石欄前後有白石牌坊各一座塔制上圓下八方形飾以金頂又塔之四角配以小塔四座諸塔之上遍刻佛像工極精緻爲北平各白塔之冠以故中外研究藝術

石高塔一座雍正元年（西歷一七二三年）建衛以石欄前後有白石牌坊各一座塔制上圓下八方形飾以金頂又塔之四角配以小塔四座諸塔之上遍刻佛像工極精緻爲北平各白塔之冠以故中外研究藝術

人士莫不前往參觀塔後有樓爲藏經之處寺西資福院爲康熙六十年（西歷一七二一年）建殿凡五進正殿供佛像爲喇嘛唸經之所東西兩廡則爲喇嘛休息之所

四公園 北平前無所謂公園有之自民國三年改社稷壇爲中央公園始其後三海亦次第開放改北海爲北海公園中海南海爲中南海公園更開放頤和園任人游覽茲依次述之如右

1 中山公園 初名中央公園十七年始改名中山原爲社稷壇中國自古以農立國人生非土不立非穀不食帝王以土穀爲重爲民國祈福報功故親祀社稷壇制正方石陛三成陛各四級上成用五色土隨方築之中埋社主石壇垣甃以琉璃瓦各如其方之色四面建櫺星門北爲拜殿又北爲祭殿壇殿爲明初永樂八年所築（西歷一四一〇年）環壇墻外古柏森然羅列最鉅有圍達丈八尺餘者民國三年十月（西歷一九

一四年）內務總長朱啟鈐建議政府改爲公園闢門於南金水橋畔設董事會以次經營規模大備遊人入園門內巍然豎立者爲公理戰勝石坊紀念協約國戰勝功績入門分三路行（一）東行循走廊過行健會迤東爲營造學社爲研究中國古代營造技術機關朱啟鈐主之過來今兩軒東爲董事會轉北爲有假山山石玲瓏上有亭再往北直至後河循路有山石有格言亭（二）入門循走廊西行經兒童運動場轉西度橋至水榭構造極精緻前臨水池夏日荷花盛開極饒雅韻由水榭西行登山此山全爲人工構成新栽樹木蔚然成林山下有橋可通兩宜軒（舊名關帝廟）北有橋可通唐花塢循大路往北經繪影樓碧紡舫春明館長美軒柏斯馨等處再北經鹿囿北有假石山抵河至北門橋通西華門（三）入門經公理戰勝坊往北轉西至習禮亭北進社稷壇南門入門道旁有國花臺壇後拜殿今改建中山堂祭殿今改設圖書館殿後爲壇

(三) 入門經公理戰勝坊往北轉西至習禮亭北進社稷壇南門入門道旁有國花臺壇後拜殿今改建中山堂祭殿今改設圖書館殿後爲壇

北門與東西兩路會合

2

中南海公園 三海舊統名西苑民國初元袁總統遷居中海於南之寶月樓闢爲新華門又於金鰲玉竦橋南面繚以短垣於是中海南海與北海截而爲二中南海自十八年始闢爲公園並拆去橋上短垣自新華門入門起內部約分爲三(一)南海循南海東岸行過流水音千尺雪亭閣高下嵌山石間爲交蘆館蕉雨軒雲繪樓諸勝度橋轉西至勤政殿經殿門正南度木橋爲瀛台平隄石欄拾級而登正中北向者爲翔鸞閣左右延樓迴抱閣後有樓二東曰祥輝西曰瑞曜又南爲涵元門門內東向爲慶雲殿西向爲景星殿正中南向爲涵元殿殿之東爲藻韻樓西爲綺思樓正中北向相對者爲香辰殿殿左右各有室三楹曰虛舟曰蘭室殿後崇基下臨綠水清漪由藻韻樓而東有補桐書屋南有海神祠又東爲春明樓西爲湛虛樓中庭有木變石臺南爲迎薰亭由綺思樓西上有

八音克諧臺有長春書屋自翔鸞至此統名瀛台瀛台三面臨水蓼渚蘆灣參差掩映即南海也(一)中海由勤政殿迤西爲豐澤園又北爲頤年堂堂北爲遐矚樓樓之西院爲崇雅殿殿前有連理樹一株殿後有臺北面臨水其南臨水相對者曰純一齋由勤政殿後折而西有門東向入門循山徑行東爲春藕齋其北爲居仁堂喜福堂齋後相對者爲聽鴻樓上下五十四楹樓南山石峭舊多巖洞路徑盤紆亭榭間出西北有小竹亭南折而東北向爲植秀軒又折而西爲石池穿過石洞爲虛白室南有竹汀亭亭南爲愛翠樓樓下有佛宇一所北向臨池曰大圓鏡中往西經小門有萬字廊四面環水繚繞如帶其南有石室爲袁大總統所建又南爲芳華樓循廊而北曰飛軒引鳳再北行爲錫福永福增福來福等堂又北曰寶光門即中海之西門門之北爲迎春堂門之西有景福門再北爲懷仁堂堂北有福昌殿延慶樓樓後有福祿居延壽齋西行有清華堂含秀

日寶光門即中海之西門門之北爲迎春堂門之西有景福門再北爲懷仁堂堂北有福昌殿延慶樓樓後有福祿居延壽齋西行有清華堂含秀

軒南曰涵祉齋慶雲堂由寶光門迤東折而北行曰嘉禾軒公共游泳池即建于此再北行爲紫光閣清代時有功武臣圖像於此後爲武成殿又北爲時應宮宮之東爲福華門即中海之北門也(二)萬善殿殿爲中海之一部以其在中海東自爲一部落由西苑門循海東岸而北約半里許路旁有土山曰南鞏山又北舊爲蕉園北有殿曰萬善殿明嘉靖帝於此設蘸壇清順治帝於此延高僧說法後有千聖殿有木塔雕刻甚精再後臨海有北固山萬善殿之旁有亭屹立水中曰水雲榭內有太液秋風石碑於此登舟西可至居仁堂南可至勤政殿北可至金鰲玉蝀橋夏日池荷盛開爲西苑惟一勝境按此地久廢荊榛遍地上年袁市長命陳寶書加意整理始復舊觀其地較其他公園幽靜爲外報盛稱至深冬嚴寒時尤不少外人游蹤云

3 北海公園 北海肇自遼金盛於明清風景佳勝殿宇崇闋爲歷代帝

王之別苑入民國後交還政府管理惟以地僻面積寥闊雜駐軍隊未遑整理民國五年（西歷一九一四年）內務總長許世英始建議開放爲公園由市政公所撥二萬元整理正籌備間時局倏變不果行六年八年十一年均經議及卒不得當至十四年內務總長兼市政督辦朱深始實行開放定名爲北海公園組織董事會春秋佳日遊人蟻集而內部一切亦逐漸整理完好游覽有水陸二路入園門略轉西向北經堆雲積翠橋橋北爲承光寺在瓊島山麓北爲法輪殿再上爲正覺殿普安殿最上爲白塔白塔之西爲靜憇軒悅心殿慶霄樓下爲水精域閱古樓北面沿海廻廊百丈東起時晴樓西止分涼閣有漪瀾堂道寧齋遠帆樓碧照樓晴欄花韻碑上爲延南薰閣妙石堂交翠庭東西爲看雨廊古道堂瓊島春陰碑般若香臺有牌樓一座甚美麗由此度橋循海岸行過濠濮間想船塢畫舫齋即董事會北爲蠶壇渡橋轉西過靜心齋鏡清齋傍有水池七又

碑般若香臺有牌樓一座甚美麗由此度橋循海岸行過濠濮間想船塢
畫舫齋即董事會北爲蠶壇渡橋轉西過靜心齋鏡清齋傍有水池七又

西爲小西天內有大慈真如殿極宏偉西越土山爲九龍壁爲稀世珍物
西爲澄觀堂現爲松坡圖書館後有浴蘭軒快雪堂又西爲闡福寺天王
殿又西爲大西天觀音殿闡福寺前有五亭俗稱五龍亭植立水中石橋
連貫夏天遊人至多其由水路者由堆金積翠橋北或漪瀾堂前均可登
舟直抵五龍亭其有輕舟一葉泛乎中流者南可至金鰲玉棟橋其在公
園門外者有團城上有承光殿殿內有玉佛殿前殿有玉甕皆寶物也
⁴頤和園 園爲清慈禧太后時所建辛亥革命議定清帝退位後移居茲
園故民國初元仍由清室管理民國二年由清室設管理處開放任人游
覽民國十七年特別市政府始設事務所管理園內宮殿建築偉大精巧
風景明麗實能代表東方美全園北倚萬壽山面臨昆明湖以山爲中心
約可分爲四部（一）山之東部入園門西行南有仁壽殿殿傍曰大圓寶
鏡北有德和園園內有劇台頤樂殿爲帝后觀劇之所稍西爲玉瀾堂宜

芸館瀕湖有藕香榭夕佳樓稍西爲樂壽堂茲禧太后居此庭前大石爲屏承以石座遍雕海水明太僕米萬鍾遺物堂東北隅爲景福閣舊名曇花閣南向周以迴廊閣之東爲諧趣園園引水爲池周建堂軒樓亭有涵遠堂和春堂囑新樓外有小瀑布又有澄爽齋飲淥亭洗秋亭諸勝自諧趣園通德和園之路有赤城霞起紫氣東來諸處均爲城闕式(一)園之南部至樂壽堂往西循長廊有養雲軒無盡意軒門臨荷池上有福蔭軒西有意遲雲在寫秋軒圓朗齋有牡丹臺重翠亭介壽堂由此往西爲排雲殿殿爲全園最勝處前有排雲門門外面湖有牌坊入門正北爲排雲殿(明圓靜寺遺址)爲西太后受朝賀之所殿前平台丹陛繞以石欄上列銅龍銅鳳殿內設圍屏寶座東有配殿曰玉華西曰雲錦二重門內配殿東曰芳輝西曰紫霄北上曰德輝殿拾級而登爲佛香閣爲全園最高處閣之東稍下爲轉輪藏西稍下爲寶雲閣內有銅鑄佛像爲朔望喇嘛

殿東曰芳輝西曰紫霄北上曰德輝殿拾級而登爲佛香閣爲全園最高處閣之東稍下爲轉輪藏西稍下爲寶雲閣內有銅鑄佛像爲朔望喇嘛

擘經之處(三)山之西部有清華軒邵窩雲松巢貴壽無極又西爲聽鸞館內有戲台二層館爲妃嬪住所北爲畫中遊湖山真意又西臨湖爲石丈亭亭外屹立水中者爲石舫寄瀾堂臨河殿延清賞樓小有天等又西過荇橋度橋有迎旭樓澄懷閣(四)山之北部最高者爲智慧海在佛香閣上右爲雲會寺左爲香巖宗印閣須彌靈境蘇州街善現寺東爲花承閣有琉璃多寶塔西爲香岳堂清可軒賅春園味閒齋臨河爲綺望軒軒下有石洞乾隆時建以上山之四週景物盡於此其以昆明湖爲主亦可分爲東西二部湖之東部自耶律楚材墓起沿堤過文昌閣傍湖水中南爲鳳皇墩繡綺橋是爲東部湖之西部西南傍湖爲暢觀堂西湖心有冶鏡閣閣三層下爲圓城渡湖爲玉帶橋北沿堤曰幽風橋(昔名桑葦橋)界湖橋南爲鏡橋上有敞亭練橋柳橋凡橋制各異繡漪玉帶俱作

穹形十七孔橋亦名長橋尤爲美觀計頤和園全園周長十六里又四八即公里八二四大約山佔五之一湖佔五之四云

(五)城郊名蹟 北平城郊名蹟至多茲取其與歷史有關及有文化上價值者分述於后

¹ 國子監 國子監在安定門內成賢街之北與孔廟比鄰自元至元六年(西歷一二六九年)立國子學二十四年(西歷一二八七年)設國子監爲國家造士之所明洪武朝(西歷一三六八至一三九八年)改爲北平郡學永樂朝(西歷一四〇三至一四二四年)仍改爲國子監清代仍之乾隆四十九年(西歷一七八四年)重加修葺增建辟雍園水崇飾益加美備大門南向曰集賢門入門有井亭二由此北上進太學門門內琉璃坊一前鐘鼓亭各一後碑樓二正中爲辟雍重頂方宇重檐黃瓦圍以月牙河周水護以石欄四達以橋池中噴水龍口四辟雍之後

水崇飾益加美備大門南向曰集賢門入門有井亭二由此北上進太學門門內琉璃坊一前鐘鼓亭各一後碑樓二正中爲辟雍重頂方宇重檐黃瓦圍以月牙河周水護以石欄四達以橋池中噴水龍口四辟雍之後

爲彝倫堂元皇慶二年（西歷一二二三年）建崇文閣於國子監以爲藏書之所明永樂始改今名清代仍之正堂七間中一間列朝皇帝設座於此東一間爲祭酒座及司業座彝倫堂七間以此爲會講之所餘爲諸生肄業處觀此可概見中國古時太學之規模矣堂之東爲典簿廳西爲典籍廳東南爲繩愆廳鼓房西南爲博士廳鐘房東廡有率性誠心崇志三堂各十一間西廡有脩道正義廣業三堂各十一間兩廡有清蔣衡書十三經石刻之碑在焉十三經爲中國最古之典籍文化之源泉都八十餘萬言閱十二年書成乾隆五十六年（西歷一七九一年）鑄石今豐碑林立爲中國文獻之巨觀彝倫堂前有元槐一株元至元八年（西歷一二七一年）集賢殿大學士兼國子監祭酒許衡手植與孔廟之元柏在北平喬木中可謂雙絕矣

2 觀象臺 觀象臺在崇文門內東南隅小羊毛胡同現改中央研究院北

平氣象臺臺址即建築於城隅之上北平之有觀象臺觀象臺之有儀器始於金代宋元祐時（西歷一〇八六至一〇九三年）所製者爲渾天儀金既取汴皆輦致於燕金貞祐南渡時宋器之遷於北京者止存渾天一器至元十三年（西歷一二七六年）太史郭守敬在北京造儀器十三等明遷其器於江南至英宗時（西歷一四三六至一四六四年）始命欽天監官往南京以木依式造渾天等儀赴北京用銅鼓鑄崇禎時（西歷一六二八至一六四三年）徐光啟復造儀器十八清康熙十三年（西歷一六七四年）准西人之請新造六儀五十四年（西歷一七一五年）又造地平經緯儀乾隆九年（西歷一七四四年）又製璣衡撫辰儀至是元明舊器皆作廢銅充用光緒二十六年（西歷一九〇〇年）拳匪之役法德平分天文儀器法所取者僅運至使館而止於光緒二十八年（西歷一九〇二年）還我故物德則載回彼國巴刺丹離宮民國

拳匪之役法德平分天文儀器法所取者僅運至使館而止於光緒二十八年（西歷一九〇二年）還我故物德則載回彼國巴刺丹離宮民國

八年（西歷一九一九年）因凡爾塞和約條例之關係德國又運還我國十年（西歷一九二一年）春儀器運京國人引為慶幸茲將現時臺上陳列之器分述列於后

(1) 渾儀

現存南京

(2) 簡儀

現存南京

(3) 天體

(4) 赤道經緯儀

(5) 黃道經緯儀

(6) 地平經儀

(7) 象限儀

(8) 紀限儀

(9) 地平經緯儀

(10) 璣衡撫辰儀

(11) 圭表

現存南京

(12) 漏壺

現存南京

3 鐘樓鼓樓 鼓樓在地安門外史稱元時（西歷一三〇〇至一三三五
年）即有之元建大都於城之正中建鼓樓徙居民以實之鐘樓明永樂
十八年（西歷一四二〇年）建後燬于火清乾隆十八年（西歷一七
五三年）重修鼓樓址高一丈二尺廣十六丈七尺縱減三之一四面有
階上建樓五間繞以圓廊週建甃垣鐘樓在鼓樓北制相埒樓三間今鐘
尚存民國十三年闢鼓樓爲京兆普通圖書館（今改爲民衆圖書館）
顏其額曰明恥樓次年改爲齊政樓鐘樓亦同時開放且於其上設電影
以集游人鐘鼓樓之間則闢爲游藝場兒童體育場是爲城北市民游息
之所

以集游人鐘鼓樓之間則闢爲游藝場兒童體育場是爲城北市民游息之所

4 十刹海

十刹海在地安門外分爲前海後海前海週約三里荷花極盛西北兩岸多爲宅第中有長堤自北而南沿堤植柳高入雲霄自夏及秋堤上遍設茶肆間陳百戲以供娛樂後海較幽靜人跡罕至水勢亦寬樹木叢雜兩岸多古寺多騷人遺跡相傳爲紅樓夢大觀園遺址今無考

5 積水潭

潭在十刹海之北水由德勝橋入城有閘俗名響閘玉泉山之水由此入城直通三海聯貫九城東入通惠河潭中有匯通祠傍有淨業寺故又名淨業湖

6 崇效寺

寺在宣武門外牛街以南白紙坊稍北唐刹也相傳唐幽州節度使劉濟捨宅爲寺（西歷六三〇至六八〇年）歷代屢建屢燬今尙存殿宇數處寺舊植棗樹千株清詩人王士禎稱爲棗花寺今尙有存者以芍藥牡丹著名有姚黃魏紫黑色諸異種春夏之交遊人如織有盤山僧智朴所作青松紅杏圖王士禎以次均有題詠洵寶物也

7 東嶽廟 廟在朝陽門外二里建於元初（西歷一二八〇至一三〇〇年）規制宏麗有虞集趙孟頫撰書碑文至可寶貴廟前有綠琉璃牌坊一座廟內神像相傳爲元時塑像名手劉元所塑明正統中（西歷一四三六至一四四九年）益拓其宇兩廡設地獄七十二司塑各種鬼物鬚眉活現清乾隆時（西歷一七三六至一七九五年）正殿被焚鳩工重修益加壯麗神像至今猶莊嚴如新殿前廊右懸大銅鐘一名景陽鐘鑄有極細花紋傳爲清大內物移此每年陰歷三月二十日云爲東嶽帝誕辰都人陳鼓樂結彩爲亭導帝出遊觀者塞路

8 白雲觀 在西便門外左二里元之太極宮也元太祖（西歷一二〇六至一二二七年）遣使自奈曼迎長春真人邱處機館於此因其號賜宮名曰長春明正統三年（西歷一四三八年）重修易名白雲觀觀南向前有牌樓一座入殿門左右有鐘鼓樓各一正殿凡五進建築偉麗爲北平

名曰長春明正統三年（西歷一四三八年）重修易名白雲觀觀南向前有牌樓一座入殿門左右有鐘鼓樓各一正殿凡五進建築偉麗爲北平

院之冠第四進殿爲邱祖殿塑真人像像前一鉢剝木瘿爲之上廣下狹可容五斗內塗以金外刻清高宗御製詩承以石座第五進殿樓爲三清閣都人以處機真人生於正月（陰歷）十九日咸集於此遊冶紛沓車馬闐闐謂之讌邱亦曰燕九節

9 利瑪竇墳 墳在阜成門外迤北白石橋西爲意大利人於明萬歷年間來華傳教以精天文算術爲當時學者所宗仰徐文定光啟等並師事之沒後即葬西郊西人來華者每往參禮墓制下方上圓上有碑鐫羅馬文字

10 慈壽寺塔 出阜成門八里舊有慈壽寺明神宗爲慈聖太后建成於萬歷六年（西歷一五七八年）有塔高十三級四壁金剛像如生今寺已燬惟塔尙巋然獨存

11 天寧寺 寺在廣安門外元魏文帝建初爲光林寺明宣德中（西歷一

四二六至一四三五年）改爲天寧有塔高二十七丈五尺五寸爲十三級相傳中有舍利隋文帝開皇時（西歷五八九至六百年）於塔之四周綴鐸萬數風定風作音無斷時塔前有幢書體適美亦開皇時立（見前）

12 農事試驗場 昔爲樂善園舊址原係前清御園清光緒三十二年（西歷一九〇六年）由商部奏准改爲農事試驗場經營布置需時二年始告成立民國四年冠以中央字樣民國十七年改爲北平農事試驗場十八年十月改稱天然博物院二十三年十一月奉行政院令改歸北平市政府接管定名北平市農事試驗場今俗有三貝子花園之稱者以西偏一部分舊爲某貝子家園也全場面積約一千零六十二中畝在農場開辦之始清慈禧后及光緒帝歷次諭告部臣注意風景故各項建築物多帶園林形式又是時端方氏在德國購來虎豹獅象等多種動物交場內

辦之始清慈禧后及光緒帝歷次諭告部臣注意風景故各項建築物多帶園林形式又是時端方氏在德國購來虎豹獅象等多種動物交場內

豢養故本場又有萬牲園之稱特以風景之優設備之富又以地處城郊不僻不囂空氣既佳交通尤便故來遊者於實地研究動植物暨觀摩農事外咸愛其景物視爲遊息之樂園焉茲就場內主要各地依次略述如左(甲)動物園在本場大門之東偏界以短垣環以流水以二門外通西門有橋曰觀魚北門內有橋曰眠鷗園飼脊椎動物哺乳類有虎豹獅象猿猴熊狐狸犛牛五腿牛麋鹿麇等鳥類有鸚鵡仙鶴戴冕鶴鷺秧鷄鵝鵪鴛鴦孔雀錦鷄鵬鳶梟鴉及鳴禽類多種爬行類有鱷魚綠毛龜及蛇類等兩棲類有鮭魚等魚類飼淡水魚多種共計一百餘種(乙)農產標本室在蒼芳軒陳列穀菽棉麻絲繭林木藥材茶葉羊毛等類標本一千二百餘軒前即芍藥圃(丙)幽風堂建築宏敞藻繪鮮華東偏纍石爲山洞西爲紆曲之長廊俯瞰荷塘堂前有文冠樹數株爲本場珍奇之品堂西有牡丹多種其後面土山上林木茂密風景幽雅(丁)海嶠

瀛春島上樓閣皆作東洋式并有櫻花多種（戊）園藝標本室室內植
物模型九十餘種花卉籽種二百餘種果實浸製標本十餘種園藝器具
約九十種（己）植物園面積約三十畝分爲若干區按照植物自然分類
之系統分別按區培植中外不同之植物約千餘種（庚）溫室專培養奇
花異卉四時不絕類多熱帶植物而秋末之菊花種類繁多尤負盛名（
辛）暢觀樓清光緒三十四年慈禧后及光緒帝先後臨幸於此樓內有
德宗及慈禧后駐蹕之榻及各種陳列品最高樓頂西可遠眺西山東可
俯窺全城（壬）鬯春堂堂之四周疊石爲山環植槐柳桃杏之屬景物幽
勝甲於全場（癸）動物標本室共分四陳列室分別陳列哺乳類鳥類
爬行及兩棲類魚類統計品種在一千以上此外尙有水田旱田各分區
試種優良稻穀棉麻等又有果園十五區栽植中外果樹並培養果苗以
廣傳播

爪哇及同種蕉類統計品種在一千以上此外尚有水田旱田各分區
試種優良稻穀棉麻等又有果園十五區栽植中外果樹並培養果苗以
廣傳播

13 五塔寺 寺在試驗場之北本名真覺寺明成化五年建（西歷一四六
八至一四八七年）中有金剛寶座上建五塔中一塔較高約高三丈餘
四角各一塔座高約二丈餘方形四面均鑿佛數約五百餘中空拾級可
登寺清末燬于火塔亦略有損失今正着手修復（按五塔寺之塔爲印
度珈耶寺塔式原塔在印已毀由英人重建較此略小此種式樣之寺塔
建築在全球僅此兩處）

14 大鐘寺 舊名覺生寺有大鐘鑄自永樂初年徑長丈二內外刻佛號彌
陀法華諸品經蒲牢刻楞嚴咒銅質精好字書整雋相傳沈度筆姚廣孝
監造名華嚴鐘舊存萬壽寺內乾隆十六年移置覺生寺土人呼曰大鐘
寺

15 玉泉山 山在萬壽山之西金章宗（西歷一一九〇至一二〇〇年）
於山麓建香水院行宮元世祖建昭化寺明英宗建上下華嚴寺清康熙

三十一年始改建靜明園入門北山崗爲峽雪琴音可以遠眺西南進有裂帛湖更南有玉泉上有玉泉趵突碑其旁又有一碑乾隆帝御書天下第一泉五字泉水芳冽終年趵突不斷流醞於北平城郊舊時帝后游幸亭閣甚多今多變易僅存舊跡山上有華嚴寺華嚴洞羅漢洞等再上有玉峰塔前爲香岩寺後爲妙高臺北峰上有妙高寺及妙高塔今併存

10

香山 在玉泉山西南五里原有香山寺洪光寺等清建靜宜園行宮點綴景物各臻其勝清乾隆帝有靜宜園二十八景詩傳於世咸豐十年（西歷一八六〇年）燬於火僅餘宮門銅獅及琉璃牌坊松霧雲莊雙井金世宗夢感泉之故址也今改爲雙清別墅昭廟即宗鏡大昭之廟遺址現僅存琉璃塔一座高七級北平女界紅卍字會改建醫院甘露寺原址則改爲甘露旅館其他地址則闢爲慈幼院男女工廠等等設備頗完美山巔石厓壁立處有亭曰森玉笏前玉華之西南峰舊有御題勒石今仍

則改爲甘露旅館其他地址則闢爲慈幼院男女工廠等等設備頗完美
山巔石厓壁立處有亭曰森玉笏前玉華之西南峰舊有御題勒石今仍

其名登臨遠眺目窮千里園中名景如乳峰石蟾蜍石丹井瓔珞巖來青
軒等均約畧可指夏令遊人極多可由旅館代雇肩輿遍覽全山勝境

17 臥佛寺 在香山旁之五華山唐時修建原名兜率明改永安清名十方
普覺寺以中有臥佛故名臥佛寺佛係銅質倒眠殿上長三丈餘殿前有
婆羅樹大可數圍寺後有屋數楹雜以池沼亭閣古木怪石曲折有致

18 碧雲寺 寺在香山東麓元耶律楚材之裔阿利吉捨宅爲寺曰碧雲菴
明正德中（西歷一五〇六至一五二七年）內監于經擴之爲寺傑構
連雲迴廊偃月寺後有于經生壙經敗魏忠賢攘爲己有後忠賢戮屍亦
未得葬寺門東向前有石牌坊雕刻甚精美內殿四層南爲羅漢堂有木
雕羅漢像五百雕塑甚精美後有藏經閣北爲涵碧齋後有雲容水態內
有元碑二寺之勝處在金剛寶座塔塔仿印度白石爲基座凡三層上列
石龕頂建七塔塔凡十三級建築雕刻極其精妙現爲孫總理衣冠塚

19 實勝寺演武廳 寺爲雍正十一年（西歷一七三三年）所建以平定大小金川立寺紀功有鉅碑一碑文用漢滿蒙藏回體文書之傍有演武廳作城爲圓形建造甚雄偉按雍正時征討金川番人依山列寨拒守旗兵不善攀登師久無功雍正帝乃於此處建碉堡多處選旗兵壯健者爲健銳雲梯營以練習仰攻今碉堡尙多存者而演武廳尤完好如故惟寺則燬滅無存耳

20 八大處 西山之陽有山名翠微山出阜成門二十餘里即至山麓原名平坡山明宣德（西歷一四二六至一四三五年）中有翠微公主葬此故改名翠微山勢高入雲際爲西山最秀傑處附近庵寺甚多最著者有八（一）長安寺寺依山拓築室宇間曠亦名善應寺明弘治間（西歷一四八七至一五〇五年）至清康熙年間（一六六二至一七二二年）重修均有碑記殿前有白虎皮松二株相傳爲元時物（二）靈光寺

一四八七至一五〇五年）至清康熙年間（一六六二至一七二二年）重修均有碑記殿前有白虎皮松二株相傳爲元時物（二）靈光寺

志稱在覺山爲金世宗時（西歷一一六二至一一八九年）覺山寺舊址寺殿宇弘敞傍有水池蓄金魚鉅者盈尺池上有亭榭頗具幽致旁有歸來庵端方所建寺後山際舊有韜光庵燬於火（三）香界寺一名平坡寺因山勢平坦故以爲名明洪熙時（西歷一四二五年）名圓通寺清康熙十七年（西歷一六七八年）改聖感寺乾隆十四年（西歷一七四九年）改今名殿閣崇闕爲諸寺冠（四）大悲寺舊名隱寂寺明嘉靖二十九年（西歷一五五〇年）建大悲殿改今名（五）龍泉寺亦名龍王堂康熙年建在虎頭山麓殿右墀階下有螭吻吐水瑩澈可鑑按明憲宗（西歷一四六五至一四八六年）御製靈光寺碑云覺山寺舊名龍泉寺後改靈光云云據此則靈光龍泉本爲一寺後分爲二耳（六）三山庵俗稱麻家庵亦稱三山庵無碑記未悉建置年月（七）寶珠洞洞深廣逾二丈明初有僧人苦修遺蛻在焉帝京景物略云洞石黑

白點相參故名珠洞前有平臺可以眺遠（八）秘魔厓在翠微山後二里之盧師山一名尸陀林隋末仁壽中（西歷六〇一至六〇四年）有沙門盧姓自江南來卓錫於此厓上有大石嵌空約達二丈昔人謂形如偃芝實具奇致山頂有獅子窩高出羣峯俯視昆明湖如孟渾河如帶北平城內外全歸眼底以上八寺俗謂之八大處有汽車路可通

21 黑龍潭 潭在西直門外西北三十餘里金山之麓潭水泓然以深不泛不涸前代時以亢旱禱望其地潭之西北小山纍纍迤北一岡剏建廟宇祀龍王殿宇依山勢高下建築極爲雄偉殿原覆碧瓦清乾隆三年（西歷一七三八年）改易黃瓦明清兩朝在潭廟周圍勒有豐碑數座覆以碧瓦小亭

22 溫泉 泉在西直門外黑龍潭西數里西有山曰畫眉山產石黑色浮質而膩理山北十里平疇溫泉出焉泉如湯未至沸時登而爲池以待浴者

22 温泉 泉在西直門外黑龍潭西數里西有山曰畫眉山產石黑色浮質而膩理山北十里平疇温泉出焉泉如湯未至沸時澆而爲池以待浴者

即山之傍建築屋宇設立天然療養院浴之既久宿疾可以勿藥而愈又設有旅館食堂備遊人膳宿

23

大覺寺

寺在西直門外西北六十里宛平縣屬由西直門乘汽車沿車

路行過青龍橋西北旺黑龍潭温泉村即達此處有山曰陽台舊有寺曰靈泉傳記所載金時(西歷一一二六至一一三四年)即建有寺院明宣德三年(西歷一四二二年)以其山勢盤環水流縈迴木鬱以蒼草茂以芬蓋一天造地設聖境遂命中官重工修葺敕賜額曰大覺寺後於正統十一年(西歷一四四六年)又依山重造殿宇并頒大藏經典一部永充供養流傳至今六百餘年猶爲西山著名寺宇寺東向殿宇建築巍峨豐碑峙立皆歷朝皇帝御製碑文最後山頂有舍利塔一座爲乾隆時(西歷一七三五至一七九四年)造塔後爲龍潭水清可鑑後殿左有古白果樹一株周圍二丈有餘雖生意已盡矗立婆娑一望而知爲數百年前

遺物寺之南院有玉蘭二株北院有婆羅樹數株均極名貴又山之周圍桃杏極夥而以距寺五里之管家嶺尤爲繁甚璨爛每屆春季花香鳥語前往觀花者絡繹不絕

(六)湯山 湯山在北平北昌平縣屬由北平往遊有二路一由安定門乘汽車往計程七十華里一由西直門乘平綏車至沙河站轉汽車前往共計九十華里此地元明時(西歷一六四四年前)有積水二渠熱氣蒸騰民人詫爲神異立廟祀之即今之龍王廟是清乾隆帝時(西歷一七三五至一七九五年)乃於此修建行宮移舊廟於宮外拓地作後宮光緒二十六年(西歷一九〇〇年)燹於兵至民國初元袁克定氏來此避暑將前宮稍事修葺民國七年(西歷一九一八年)大總統徐世昌偕陸宗輿曹汝霖二氏往遊以其地棄之可惜商於清室以歲納八百金向其承租重加修葺古跡名勝得以重光計全部可分爲二一爲行宮浴

偕陸宗輿曹汝霖二氏往遊以其地棄之可惜商於清室以歲納八百金向其永租重加修葺古跡名勝得以重光計全部可分爲二一爲行宮浴

池一爲後湖以下分別述之

1 行宮浴池 行宮有泉水二渠砌石成二巨池西熱東溫引池水入浴池備用宮外設有人民浴室男女分池此爲有清舊况民國以後闢前宮爲旅館所謂湯山飯店館內設有浴池引泉入池以供遊人之洗濯據科學家考查世界溫泉皆係硫黃質味臭有毒不無遺憾獨此泉原質爲雷錠（譯音）與太陽質同故泉水熱甚嚴冬不減浴之可以療病飯店設備甚周起居安適不獨便於洗浴也

2 後湖 後湖即清之後宮今廢原有石山一小而秀引水成池泉中產鯉甚鮮荷開最早周繚以垣以北山爲屏舊有澡雪堂漱瓊室飛鳳亭匯澤閣開襟樓諸勝入民國多傾圮七年徐總統及其他私人皆於此建別業有枕湖軒晴暉閣障影樓（陸氏別莊）歸稼軒聽濤挹翠亭（曹氏別莊）掬泉亭亭下有金邊蓮（白色黃邊）係此地特產盛夏來此避暑

者亦衆園內多楓樹秋深葉紅與青葱之松相間成趣冬令北方嚴寒楓葉亭以南至懷碧橋東一帶水皆堅冰備有冰床可以滑冰兼之行宮泉水熱度因冬益高所謂四時風景宜人洵北地唯一名勝也

(七)十三陵 陵爲皇帝墳墓之稱舊時皇帝自即位起即命內府建築陵地歲修無間死後即葬之后妃亦得祔葬自成祖北遷定都北平即擇昌平縣東黃土山以爲陵地并封黃土山爲天壽山自成祖至於思宗除景帝陵在西山外均營葬於此山勢峻拔河水橫貫建築雄偉爲平西名勝之一

1 長陵 長陵在天壽山下有白石碑一座鐫刻精巧稍北過石橋二里至大紅門入門里許有碑亭中有穹碑高三丈龍頭龜趺題曰大明長陵神功聖德碑亭外四隅有漢白玉石柱四俱刻蛟龍環之又北可二里爲櫺星門門之南有石人十二俱高丈許石獸二十四各二立二蹲石柱二刻雲氣夾峙神路之旁過櫺星門北里許名武坡坡北一里大水橫之又北

星門門之南有石人十二俱高丈許石獸二十四各二立二蹲石柱二刻雲氣夾峙神路之旁過櫺星門北里許名武坡坡北一里大水橫之又北

有大石橋二過石橋二里至長陵殿門神道門內東神廚五間西神庫五間重門三道曰稜恩門門內有神帛爐其上爲享殿曰稜恩殿九間重檐高三丈面寬十丈內連五層四十五間殿內楠木明柱四十餘根高三丈大幾二人合抱中間南木大龕一內供皇帝牌殿後爲門三道又進爲白石坊門一座再進爲石臺中腰有縫內有水四季不乾又進爲寶城周圍二里城內寶頂土山上皆植松柏下有水溝內有金井石床即皇帝金棺所在也

2 其他諸陵 諸陵規模均較長陵稍小體制略同曰獻陵景陵裕陵茂陵

泰陵康陵永陵昭陵定陵慶陵德陵思陵獻陵在天壽山西峰之下長陵西北爲仁宗獻陵東爲宣宗景陵西北爲英宗裕陵再西北爲憲宗茂陵茂陵西北爲孝宗泰陵泰陵西南爲武宗康陵又長陵東南爲世宗永陵西南爲穆宗昭陵昭陵東北爲神宗定陵獻陵西北爲光宗慶陵永陵東

北爲熹宗德陵莊烈帝思陵在天壽山西口外鹿馬山初爲田貴妃墓後因莊烈帝后殉國賊挾帝后梓宮置沙河昌平州十民贖錢募夫葬之田妃墓中移田妃於右帝居中后居左帝棺無槨以田妃槨爲帝槨清初重加營作并以殉節司禮監王承恩附葬於墓側

(八)長城 長城爲中國古代國防要塞戰國時(西曆紀元前一四六年)燕趙秦三國各因北幹山險築長城以作屏藩秦始皇統一六國始自臨洮至遼東首尾聯綴之歷代屢加修築惟地位稍有變更今城東起河北山海關西抵甘肅嘉峪關橫貫河北熱河察哈爾山西陝西綏遠寧夏甘肅八省凡長五千五百四十里約當地球周圍十二分之一塹山堙谷起伏環帶延長約萬二千餘里故有萬里長城之稱中外人士前往參觀者莫不驚佩其工程之偉大爲世界第一城高十五尺至三十尺寬十五尺至二十尺皆磚石合建極爲堅緻垣上外建雉堞內建石欄中有甬道每三十六丈築一墩台

約萬二千餘里故有萬里長城之稱中外人士前往參觀者莫不驚佩其工程之偉大爲世界第一城高十五尺至三十尺寬十五尺至二十尺皆磚石合建極爲堅緻垣上外建雉堞內建石欄中有甬道每三十六丈築一墩台

舊時設官分守常置烽燧有事晝則舉煙夜則舉火告警徵兵以資保衛沿城一帶古蹟名勝險要甚多而尤以距北平較近平綏路所經過之居庸關青龍橋爲最

1 居庸關 居庸關在察哈爾延慶縣西南平綏路所通過築有車站地勢

居高臨下俯瞰關城全形在目兩山巉絕中若鐵峽自古視爲重鎮建自

秦代（西曆紀元前二四六至二〇七年）北齊（西曆四七九至五〇

一年）稱納款關唐（西曆六一八至九〇五年）名薊門關元（西曆

一二七七至一三六七年）改今名洪武元年（西曆一三六八年）大

將軍徐達重建周十三里高四丈二尺有南北二門門上有雲台台上有

寺曰元泰元武宗時（西曆一三〇八至一三一一年）建下有甬道以

通車馬洞壁遍嵌釋迦并金剛像大小千數工極精巧北有仙枕石在深

澗中高廣方二丈絕奇有明陽和都督刻字及太行散人刻詩關西有李

鳳墓明武宗微行大同得酒家女李鳳返京時至居庸病歿因葬之關西
草生其上皆白故俗稱白冢西南紅龍山下萬山深處有巨壑衆水匯流
波濤湍急如練如嘯蔚爲奇觀峭壁刻龍門噴雪四字明嚴嵩書也

2 青龍橋

青龍橋在居庸關之西北爲平綏路所通過之地築有車站地
勢兩山連峽爲長城衝要之地四壁飛岳下臨深澗平綏路綫至站前轉
如V字形故兩列車入站後恰首尾倒轉再行前進過站西行里許即八
達嶺山洞長幾約二千公尺爲世界著名工程之一元時（西曆一二七
七至一三六七年）置屯軍於此稱爲居庸北口由嶺下視關城若建瓴
嶺下懸崖刻有天險二字關門上刻有北門鎖鑰四字石額爲通蒙古咽
喉昔時以居庸關爲重心者今則轉移於此矣車站旁有詹天佑先生銅
像詹廣東南海人留學美國習工程平綏路建築一切計劃皆先生所設
計沿途經過各地多屬天險萬山環阻建築困難中外工程專家均束手

喉昔時以居庸關爲重心者今則轉移於此矣車站旁有詹天佑先生銅像詹廣東南海人留學美國習工程平綏路建築一切計劃皆先生所設計沿途經過各地多屬天險萬山環阻建築困難中外工程專家均束手

無策詹氏匠心獨運備歷艱險始終不懈閱四載大功告成中國人自築鐵路以氏爲第一人路成之日中外人士莫不驚佩嘆異卒於民國八年（西曆一九一九年）平綏路與中華工程學會范金爲先生鑄像以資紀念云

附錄 北平市政府附設之文物整理實施處現擬定分期修繕古蹟名勝及城郊道路工程業已開始實行茲照錄計劃概略如次以備參考

A 修繕工程

第一期古蹟名勝修繕工程擬於民國二十四年度完工者其處所如次

東南角樓

天壇

玉泉山玉峰塔

中南海紫光閣

西直門箭樓

五塔寺

國子監

鐘樓及廣場佈置

碧雲寺羅漢堂

城內牌樓

頤和園內一部份

西安門

地安門

內外城城垣

孔廟

先農壇

香山靜宜園

天安門

端門

西山風景林及行道樹

天安門

端門

西山風景林及行道樹

第二期工程擬於民國二十五年度完工者計開如次

頤和園內第二期整理工程

城樓箭樓

地壇

鼓樓

中南海內一部分工程

西山八大處

北海公園大佛樓前後殿

北海公園小西天前佛樓之西配殿

B 道路工程

第一期城內公路工程擬於民國二十四年度完工者計土瀝青路共長一五三二六公尺計公路面積一六〇,〇〇〇平方公尺

○公尺
其屬郊外者計石磴路共長八·一八公尺灘青路計長一八·〇〇公尺
四〇〇公尺計公路面積一〇三·四〇〇平方公尺
第二期城內公路工程擬於民國二十五年完工者計灘青路共計九
其屬郊外者計上灘青路共長一八·〇〇〇公尺

北平市政府編印